




Adarna
Fil
372.4
.G184c
2003
e.2

Chenelyn! Chenelyn!

Kuwento ni
RHANDEE GARLITOS
Guhit ni
LIZA FLORES



KAHULUGAN NG MGA KALDERO
SA TAKA LOKER

Tuwing umaga sa aming bahay,
ang pangalan niya ang una mong marinig.
Kapag binibigkas mo ito,
mayroong madyik na nangyayari.

Chenelyn!
Ihanda na ang
almusal!

Biglang magtitilan ang mga kaldero
at siyansi sa ibabaw ng kalan.
Huhuni ang kaldero ng mainit na tubig.
Marinig ang kalatugan ng pinggan
at kalansingan ng mga kutsara at tenedor.
Tapos, sa isang iglap, busog na si Tatay.







Biglang magsisibangon ang basahan at sabon.
Magsasawayan ang mga bunot at walis.
Tapos, biglang makintab
at mabango ang buong bahay.



Biglang tatalbog ang bola
at magsasalita ang manyika.
Magiging nanay ko siya sa bahay-bahayan.
Magiging taya siya sa taguan.

Tapos, paglingon ko, nakaupo siya.
Natutulog.

Bago ako matulog,
ang pangalan pa rin niya ang maririnig.
Kasi, may madyik ang pangalan niya.











Nagiging dagat ito kapag kami ay mga sirena.
Nagiging kastilyo ito kapag kami ay mga prinsesa.
Kaming dalawa ni Chenelyn ang laging bida
sa marami niyang kuwento.
Tapos, tulog na kaming dalawa.



Isang umaga, nagkagulo sa loob ng bahay!
Ilang beses nang tinatawag ang pangalan niya,
pero walang nangyayaring madyik.

"Chenelyn! Chenelyn!" sabi ni Tatay.
"Chenelyn? Chenelyn?" tanong ng Kuya.
"Chenelyn! Chenelyn!" sigaw ng Ate.
"Chenelyn! Chenelyn!" utos ng Nanay.
"Chenelyn! Chenelyn!" tawag ko.
Pero walang nangyari.

Bigla kaming nagsisugod sa kuwarto niya.
Pagbukas namin, maraming madyik ang nangyayari.
Mayroong "Hatsing!" Mayroong "Prssrsstt!"
Mayroong "Brrr!" Mayroong "Ubo-ubo!"
Naku, si Chenelyn, hindi makapagmamadyik!




"May trangkaso si Chenelyn ... " sabi ni Tatay.






Dali-dali siyang
pumunta sa telepono.
Bumulong-bulong
si Tatay sa hawakan.
Tapos, sa isang iglap,
biglang dumating
ang Doktor.



Pumunta naman
si Nanay sa kusina.
Naghawa-hawa siya
ng karne, ng manok, at ng gulay.
Hinugas-hugasani nya
ang mangga at dalanghita.
Nagtimpla-timpla siya
ng tsaa at tubig.
Sa isang iglap,
may pagkain kaagad
para kay Chenelyn.



"Dapat tayo muna
ang maglinis ng bahay!"
sabi naman nina Kuya at Ate.
Nagbunot nang nagbunot
si Kuya.
Nagwalis nang nagwalis
si Ate.



Naglaba nang naglaba
si Kuya.
Nag-ayos nang nag-ayos
si Ate.
Tapos, sa isang iglap,
biglang natutong maglinis
ng bahay sina Ate at Kuya.



Para makapagpahinga
si Chenelyn,
nagkuwento naman ako
nang nagkuwento.
Biglang nagbago
ang kuwarto ni Chenelyn.
Naging bughaw na langit ito
nang naging piloto kami.
Naging entablado ito
nang naging mananayaw kami.
Tapos, sa isang iglap,
nakatulog si Chenelyn.



Mula noon, iba na ang maririnig
sa loob ng aming bahay tuwing umaga.

